

關里文獻考

闕里文獻考卷二十六

戶田第七

汾嘗讀楚茨之首章曰我黍與與我稷翼翼我倉既盈我庾維億以爲酒食以饗以祀以妥以侑以介景福蓋田事成而品物備品物備而祀事明未嘗不歎先王之制田祿以惠臣下而使公卿世世得以力農事而奉宗廟祭祀者其義至深且遠也闕里之有廟祀始自衰周更歷二千二百餘年子孫四時入廟潔奉蒸嘗所以報明德而薦馨香者迄於今不廢然則稽田祿述古今以無忘所自亦小雅詩人之意也考自秦以前魯人以歲時奉祀孔子其主鬯之人圭田之制弗可得詳已漢初始以宗子奉祀事元帝時始有封戶平帝時始有國邑而春秋薦享亦聞有出王家穀者魏晉以降有封爵而無胙土其所食戶亦隨時升降唐末喪亂百官俸給往往不繼而文宣公猶歲賜百縑以充牢醴宋初襲封者常兼他職食俸亦以階爲轉遷至

大中祥符開始專有祀田沿及金元代多增給明洪武時定給祭田二千大頃歲收其租入以供廟祀餘悉爲衍聖公廩祿

國朝因之蓋依然周制公卿有田祿以奉宗廟之遺意矣今謹詳歷代因革損益之制於左

土田之制自漢元帝初元元年詔關內侯霸以食邑八百戶祀孔子始嗣後爵爲列侯又晉上公其封戶或加至一千戶二千戶或減至五百戶二百戶一百戶並以子孫之歲入充宗廟之祭祀至唐中宗神龍元年始詔以鄒魯百戶爲隆道公采邑尋以唐季喪亂廩給不時宣宗大中元年從宰相白敏中奏給文宣公歲絹百疋以充享祀而采邑復廢迨宋眞宗大中祥符元年始專賜祭田百頃哲宗元祐元年增賜田一百大頃八年三月勅將舊賜田一百頃均給族人新賜田一百頃以二十頃廟學贍生員二十頃充歲時祭祀十頃置殿庭簾幕五十頃歲收出糶修葺祠宇是年又賜田一百大頃金章宗

明昌元年以兵革後舊賜田二百大頃內失地四十八頃八十六畝戶部劄於徐州豐縣地內撥補五年續給地六十五頃房屋四百間泰和元年詔撥給廟東南泮宮地六十四畝有奇助釋奠費元成宗大德五年濟寧路達魯花赤按檀不花以修廟餘貲置任城縣田二十頃九年賜尙珍署官田五十頃順帝元統元年以鄆城之籍沒田八頃八十九畝屋二十七間賜孔氏明太祖洪武元年賜祭田二千大頃分爲五屯四厰十八官莊撥佃戶承種供廟祭及屬官廩給餘者爲衍聖公祿俸七年以歲久田荒詔添撥佃戶承種成祖永樂五年二月又賜贍廟田七十三大頃英宗正統四年秋八月戶部奏准存佃戶五百戶湊人二千丁專以辦納籽粒以供祭祀

國朝順治元年秋九月山東巡撫方大猷題准仍沿舊制又明時衍聖公有湯沐地大畝八十二頃有奇在順天府屬東安等五縣未詳爲何年所賜

國初圈入旗地七十大頃留下東安縣地十二頃有奇順治十年詔以山東德魯二藩莊地照數補給此歷代及我

朝頒賜祀田之大凡也今析而數之凡爲屯者五曰鄆城曰鉅野曰平陽曰東阿曰獨山爲廠者四附於各屯而闕東阿爲官莊十有八在曲阜者十二曰張羊莊曰城西大莊曰春亭莊曰紅廟莊曰齊王莊曰南池莊曰安基莊曰齊王坡曰顏孟莊曰馬草坡曰下地屯曰胡二窩在泗水者四曰西岩莊曰安寧莊曰魏莊曰戈山廠在鄒縣者二曰魯源莊曰黃家莊鄆城原額屯廠地六百二頃鉅野原額屯廠地五百九頃平陽原額屯廠地四百四十八頃東阿原額屯地七十六頃獨山原額屯廠地二百二十頃四十三畝六分二釐四毫四絲七忽曲阜原額官莊地六十四頃五十五畝泗水原額官莊地六十二頃八十畝二分七釐五毫五絲三忽鄒縣原額官莊地十七頃二十一畝一分通計五屯四廠及十八官莊原額地共二千大頃但

見在地畝統計荒熟郟城存屯地三百六十七頃一十五畝五分八釐二毫六絲三忽厥地五十四頃七十二畝五分六釐四毫鉅野存屯地一百八十六頃二十四畝一分七釐厥地三十頃三十畝三分四釐平陽存屯地二百三十一頃一十畝九分四釐一毫七絲厥地十二頃七畝四釐六毫東阿存屯地三十二頃六分一釐四毫七絲獨山存屯地六十一頃七十五畝五分四釐厥地二頃七十四畝七分二釐曲阜十二官莊存地六十頃五十六畝九分五毫四絲四忽泗水四官莊存地五十一頃七十三畝八分一釐三絲鄒縣二官莊存地六頃五十四畝二分二釐三毫七絲通計五屯四厥十八官莊共見存荒熟地一千九十六頃九十六畝四分五釐八毫四絲七忽較二千原額缺地九百三頃三畝五分四釐一毫五絲三忽此外又有洸河屯地七十三大頃在滋陽縣袁家莊者五十頃顏村店者二頃故縣村者一頃在濟寧州杏林莊者二十頃卽永樂五年續賜之

地也有東平厰地大畝二十三頃滋陽厰地二十七頃九十一畝四分七釐曲阜厰地十九頃六畝五分三釐卽順治十年撥補之地也又鄒縣有尼山書院祭田一十三頃五十畝曲阜有明洪武初賜五十五代衍聖公地一大頃通前共見存地一千二百五十六頃七十八畝有奇較之

會典所載衍聖公祭田二千一百五十七頃五十畝尙不及十分之六焉

會典又載孔氏廟宅基三頃二十七畝五分今並見存五屯額賦每大畝徵銀六分又米折銀二分四釐共徵銀八分四釐其寄莊戶不供林廟差役者又每大畝加銀六釐共徵銀九分官莊厰地則視地之肥磽歲之豐歉以上下其賦斂故稅額尙無定數佃戶五百戶有在五屯者有在官莊者每丁俱徵銀八分初無定額康熙五十二年

恩詔直省丁銀以康熙五十年爲額續生人丁永不加賦時佃戶在五屯者存四千一百二十丁共徵銀三百二十九兩六錢在官莊者存八百九十四丁共徵銀七十一兩五錢二分遂爲定額雍正四年

詔直省丁銀皆攤入地畝而闕里以有廟戶佃戶二等官莊佃戶又租無常額故一切尙循舊制迨乾隆七年始奉部議廟戶及書院官莊佃戶皆如故通隸守衛百戶徵收其五屯佃戶丁銀盡攤入地畝通計每大畝攤入銀四釐六絲三忽五微二十五年編審五屯存戶二百四十丁八千六百有三官莊存戶七十三丁一千六百四十五屯舊有集稅銀一百六十兩六錢一分雍正八年六十八代衍聖公奏明奉

旨者各州縣徵收解交曲阜縣以爲歲修書院林廟之用續因集場有停廢之處節次裁減今尙存銀一百一十九兩八錢一分又乾隆六年九卿議准監察御史陶正靖條奏添設中庸書院祭銀四十兩於

御縣正項錢糧內支給亦附志於此

廟戶之役起於南宋考文帝元嘉十九年冬十二月詔免近孔子墓
民孔景等五戶課役以掌洒掃後魏孝文帝延興三年夏四月又給
孔廟洒掃十戶唐太宗貞觀十一年秋七月詔給兗州宣父廟戶二
十睿宗太極元年詔下兗州取側近孔廟三十戶供洒掃元宗開元
十三年冬十一月幸孔子宅給復近墓五戶二十七年詔文宣陵并
舊宅立廟量加人洒掃憲宗元和十三年復置五十戶懿宗咸通四
年又給五十戶後周太祖廣順二年夏六月幸曲阜給復廟側十戶
爲洒掃戶宋眞宗景德四年夏五月詔兗州舊以七戶守孔子墳宜
增至二十戶大中祥符元年冬十一月帝幸曲阜給近便十戶奉瑩
域仁宗慶歷四年勅差本縣中等人戶五十人充本廟洒掃時梁適
知兗州乞以廂兵代廟戶並請裁減人數時宰章德象欲如其請參
知政事范仲淹不可曰此事與尋常利害不同自是朝廷崇奉先師

美事仁義可息則此人數可減吾輩雖行他人必復之乃已神宗熙寧中王安石新法行裁減廟戶存三十人林戶存三人哲宗元祐元年司馬光奏罷新法五年依四十六代孫鴻臚卿宗翰請仍復舊制差廟戶五十人林戶五人元太宗九年給復寺廟一百戶世祖至元二年尙書省以括戶之故盡罷爲民太常少卿王磐爭之言林廟戶百家歲賦鈔不過六百貫僅比一六品官終年俸耳聖朝疆域萬里財賦歲億萬計豈愛一六品官俸不以待孔子哉且於府庫所省無多其損國體甚大以格於時議而止至成宗大德九年以五十三代衍聖公治奏請始給復二十八戶明太祖洪武元年特置洒掃戶一百一十五戶在廟者百在林者七在書院者八令於曲阜等州縣選民間俊秀無過子弟充當雜泛差役一概蠲免

國朝順治元年秋九月巡撫方大猷題准仍依舊制其丁賦每丁徵銀一錢其丁額亦照康熙五十二年之例額丁一千九百一十五共

徵銀一百九十一兩五錢乾隆二十五年編審林廟尼山共見存戶一百有三丁四千八百五十又乾隆六年九卿議准御史陶正靖條奏中唐書院添設門子二名每名工食銀六兩鄒縣支給

述曰闕里舊志載魯哀公十七年立廟於舊宅置守坐廟百戶及漢靈帝建寧中給守廟百戶二事考家語孔子葬魯城北泗水上羣弟子及魯人往從而家者百有餘室因名曰孔里焉大史公作世家仍其舊說且曰子適魯觀仲尼廟堂車服禮器諸生以時習禮其家是當日之守衛林廟者實魯諸儒並非如後世官爲給掃除之役也至建寧二年魯相晨祀孔子廟二碑具在亦無給守廟百戶之事牽引傳會殊屬無當又舊志載漢桓帝元嘉二年詔孔子廟置百戶卒史一人而魏文帝黃初元年又云置百戶卒史以守衛之考漢元嘉三年碑魯相乙瑛請爲孔子廟置百石卒史一人掌主禮器魏黃初碑亦云置百石卒史蓋卒史卒者其官而百石者其秩也漢制固是

如此今舊志既誤石爲戶而新志卽據以爲建置百戶之由可謂以訛傳訛其失益甚者矣又新舊二志俱載北魏賜田以養孔氏子孫考此田在懷州夫子陂廟基上祖庭廣記云有碑記可據實與曲阜無涉又舊志於廟戶中載魏孝文帝太和十九年給邑一百戶稽之前史乃崇聖侯食邑並非酒掃戶又新志載元成宗大德九年給曲阜林廟戶一百一十五戶按大德九年中書省行下舊牒載在廣記所給復者止有二十八戶而一百一十五戶之額實定於明初亦非元事也又洪武元年頒賜祭田二千大頃今通計五屯四廠十八官莊方與二千頃原額相符而新舊二志祇云分爲五屯漏卻官莊四廠是皆前人之謬誤不可不辨者至衍聖公祭田外尙有孔氏免糧地輕糧地二種雖不關祀典而列代及我

朝加惠聖裔之恩例亦不可不識也故附記總數於末以備稽考曲阜與孔氏免糧地共三百六十九頃六十八畝七分七釐八毫三絲

明成化元年先蠲免稅糧三分之一至正德二年始盡行豁免既不徵糧故今曲阜縣賦役全書遂不載入輕糧地共四千二百二十二頃五十一畝九分一釐九毫五絲八忽坐落曲阜鄒滕三縣在曲阜者孔氏上地五百三十頃六十八畝六分五釐五毫二絲六忽每畝徵銀二分四釐七毫三絲二忽中地二千四百一十五頃五十四畝六分七釐四毫三絲二忽內增擴孔林案內開除三頃八十畝四分九釐九毫五絲五忽見在地二千四百一十一頃七十四畝一分七釐四毫七絲七忽每畝徵銀二分一釐三毫三絲二忽下地二百二十六頃九十四畝每畝徵銀一分八釐四毫七絲二忽在鄒縣者與孟氏合稱例地內分二等有稱孔孟聖府地者計中地一百五十六頃一十畝每畝徵銀一分三釐七毫五絲七忽下地三十五頃每畝徵銀五釐四毫五絲六忽有稱孔孟氏地者計中地三百八十九頃二十九畝四分每畝徵銀二分二釐一毫五絲六忽下地四百三頃

五十一畝九分每畝徵銀一分一釐五絲六忽在滕縣者不分等則孔氏例地六十五頃四十三畝二分九釐每畝徵銀九釐三毫以上三縣地惟米與民間常賦同所徵正雜銀數皆視常賦特輕又曲阜縣治本闕里舊基前明建城衛廟其所圈地畝內除孔氏廟宅基三頃二十七畝五分顏氏廟宅基九十二畝五分原無稅糧者其餘盡屬附廟官莊祀田及孔氏免糧地故城內並無基地之徵

闕里文獻考卷二十六終

闕里文獻考卷二十七

學校第八之一

古者國有學術有序黨有庠家有塾今孔顏曾孟四氏學官爲置師
比於郡國其實孔氏之家塾也昔者孔子沒子孫卽宅爲廟藏車服
禮器世以家學相承自爲師友而魯之諸生亦以時習禮其家魏文
帝黃初二年詔魯郡修起孔子廟復於廟外廣建屋宇以居學者此
孔氏家學所由仿也西晉之亂百度廢弛數百年中無復講誦宋文
帝元嘉十九年詔下魯郡復學舍召生徒而荐經荒亂旋復廢墜沿
及隋唐無可紀述者宋眞宗大中祥符三年四十四代孫助知縣事
奏請於家學舊址重建講堂延師教授得旨報可而廟學之名始起
乾興元年孫夷知兗州又加修葺哲宗元祐元年十月改建學於廟
之東南隅置教授一員令教諭本家子弟其鄉鄰願入學者聽尋添
入顏孟二氏子孫又撥近尼山田二十頃充廟學生員供膳賜經史

書各一部四年添置學正錄各一員教奉聖公胄子金章宗明昌元年詔修廟學勅孔氏子孫已習詞賦經義准備應試人依兗州府養士例每人月支官錢二貫米三斗小生減半支給如兗州管下進士願從學者聽曾得府薦者試補終場舉人免試入學仍限二十人爲額元世祖中統三年詔曰孔氏顏孟之家皆聖賢之後也自兵亂以來往往失學甘爲庸鄙朕甚憫焉今以進士楊庸教授孔氏顏孟子弟務嚴加訓誨精通經術以繼聖賢之業至元三十一年又撥曲阜地九大頃五十畝沛縣地五十大頃作生徒學田文宗至順開沛縣學田爲豪民所占五十四代衍聖公理而復之又墾關宋元祐時所給尼山學田荒地一頃五十畝歲入粟四十八石以贍師生其後陸續開墾至明時始復二十頃舊額明太祖洪武元年改廟學名三氏子孫教授司七年裁學正十年重修學宮英宗正統九年五十九代衍聖公奏言三氏子孫初止在學讀書習禮未定生員名額今學徒

日盛有以京闈領薦者有以府學領薦者有以儒士領薦者請照郡縣學例置立生員聽提學官考選應山東布政使司鄉試詔從之憲宗成化元年六十一代衍聖公奏准頒給三氏學官印又以子孫在學讀書者不下二三百名止由科目一途進取不無淹滯乞依各府儒學事例設歲貢部議令三歲貢一人以曾經科舉及考試通習經書素有行止者充選孝宗弘治十一年兗州知府龔弘請於撫按重修三氏學視舊制有加武宗正德四年生員顏重禮及本學教授先後具疏並以貢舉不均爲言禮部議令貢孔氏三名之後其年同貢顏氏一名孔氏又貢三名之後其年同貢孟氏一名著爲例世宗嘉靖六年山東巡撫劉節奏稱三氏學生員歲貢向來惟以入學爲序並無考選例是以學者無所勸懲請定爲考選之法凡在學生員先立廩膳增廣附學之名廩增或照府學各四十名或照州學各三十名附學不限名數俱令提學官考校以上等者爲廩膳次等者爲增

廣餘爲附學廩膳有缺增廣收補增廣有缺附學收補至於歲貢不
論入學淺深惟照廩膳名第爲定不許撓越部議照州學例設廩增
各三十名以廩膳名次起貢每三年貢二人十九年始給生員廩米
二十年山東巡撫李中奏准於泗水縣涇府故絕祿米內歲給三百
六十石爲三氏學廩膳二十三年又以泗水道遠支給不便改將曲
阜縣應納魯府祿米三百七十三石支給神宗萬歷十年六十一代
孫世職知縣宏復以學舍界於公府藩臬行署湫隘抑塞規制不備
乃遷於按察司之東十五年從巡按御史毛在請添入曾氏改名四
氏學二十八年巡鹽御史吳遠可於城北蔡莊置學田三頃有奇又
於泗水縣城西臨泗兩莊置學田四頃五十四畝有奇爲科貢盤費
三十七年巡鹽御史畢懋康於城西北春亭莊置學田三頃二十六
畝有奇四十年兗州知府陳良材於城北賀莊置學田五十八畝有
奇是年提學道陳瑛言於撫按曰四氏學官有教授學錄視國學則

少殺視郡學則較隆其廩增額數自當比視郡學向因人材未盛故舊額僅三十人今後裔蕃衍入學者已三百有餘而廩額如故非所以重聖賢之裔也應將四氏學廩生加十名如府學數增廣生員亦如之廩餼在學田內支領儒童歲科兩試入學四十名歲貢每年貢一人撫按據以上請報可四十二年六十三代孫世職知縣貞叢遷建四氏學於廟西觀德門外卽今之學宮是也中爲明倫堂三間左右廂各五間東曰啓蒙齋西曰養正齋後爲尊經閣左爲教授署右爲學錄署外闢重門門外爲泮池跨以橋橋前爲狀元坊四十五年兖州知府張銓於城北大廟莊捐置學由五十畝熹宗天啓元年雲南道御史李日宣請將孔氏後裔於山東省額中式外每科加舉二人貢之闕下以光新政禮部議准孔氏後裔另編耳字號於填榜時總查各經房如孔氏無中式者通取孔氏試卷當堂公閱取中一名加於東省原額之外但不必拘定一人以滋多礙凡歷五科皆取

中二名後於崇禎七年魯宗學分去一名遂止中一名

國朝因之順治十四年提學道施閏章言於山東巡撫繆正心題准將舊額二名歸還四氏不拘孔顏曾孟憑文取中雍正二年復增一名共正額三名恭遇我

皇

上登極乾隆元年恩科廣額於三名外得廣一名儒童入學之數順

治初裁爲十五名尋又增五名今定爲二十名武生之設始於康熙四年每遇歲試考取十五名永爲定例學官俸祿明時於贍廟田土內支給額定每月各支俸米五石節次裁減歲支銀二十四兩

國朝定百官品俸令於曲阜縣正項錢糧內歲給教授學錄俸銀五十六兩九錢六分齋薪銀各十二兩馬草銀各十二兩而歲貢袍帽傘蓋銀十三兩九錢七分及齋夫門斗各役工食亦准於縣中正項內開銷又舊廩三十名每名給米十二石閏月加一石在曲阜縣存留粟米內支領後添廩十名應加米一百一十五石在本學學田籽

粒內取給尋改米爲銀折糶銀三百七十兩尋又裁去三分之一乾隆二年乃復舊額學宮歲久不修漸就頽圯乾隆二十四年提督學政內閣學士謝溶生倡議捐俸重修

述曰先民有言曰學校者帝王所以儲才育賢之地也學校之有衰盛卽國家之治亂因之誠哉是言歟闕里家學蓋二千年而每隨國故爲興替君子觀此亦可以識世運矣書院之制古人亦附諸庠序今尼山洙泗聖澤中庸四書院止奉禋祀而不設生徒故茲考不敘別入林廟考中

闕里文獻考卷二十七終

闕里文獻考卷二十八

學校第八之二

周禮大司徒以鄉三物教萬民而賓興之鄉大夫三年則大比考其德行道藝而興賢者能者州長各掌其州之教治政令之法三年大比則大考州里以贊鄉大夫廢興大司樂掌成均之法以治建國之學政大胥掌學士之版春合舞秋合聲於其合舞則頒次其所學而辨異之諸子掌國子之倅春合諸學秋合諸射以考其藝而進退之夫鄉之考察也如彼學之考校也如此所掌非一人所積非一日此所以人皆鼓舞奮興天下之士可得而官使也兩漢取士之法猶爲近古約其大指不出徵辟科目兩途其特詔徵拜公府辟召大臣薦舉者皆徵辟也其賢良方正孝廉茂才博士弟子諸科皆科目也魏晉以降立九品中正其規制猶循兩漢然其弊也重門閥而賤孤寒至於三公之子傲九棘之家黃散之孫蔑令長之室甚非古人興賢

舉能之意矣至隋始設進士一變而專重科目唐宋元明相沿不改名臣碩士亦多出乎其中於是徵辟之道浸益衰微其間因事設名科亦不一而最貴者則爲制科然不啻置上之所向下之所趨則惟以進士爲重雖明經一科久而不廢而貴賤迥不侔矣亦偏重之勢使然也明及

國朝凡舉於鄉及貢於學者皆得仕宦爲吏其中人材亦往往多傑出者今區徵辟科目爲二而科目中又各分其類如左學以四氏稱故顏曾孟子孫並得紀錄云

徵辟孔騰漢惠帝時徵拜博士孔忠孔武文帝時徵拜博士孔安國孔延年武帝時徵拜博士孔霸昭帝時徵拜博士孔衍成帝時徵拜博士孔均哀帝時徵拜尙書郎孔躡西漢時徵拜博士年次不可考孔奮光武帝建武五年竇融辟爲議曹掾孔豐明帝時辟司空府孔蘇章帝時辟爲百石卒史孔扶順帝時徵拜博士孔融桓帝時辟司

徒府孔昱靈帝時徵拜議郎孔震晉武帝時徵拜太常卿孔衍孔愉
惠帝時先後皆辟安東將軍參軍孔坦西晉時辟為晉王世子文學
孔琳之東晉時辟常侍輕車尉年代皆不可考孔璿之唐元宗時徵
拜國子四門博士孔巢父代宗時辟為江淮宣撫使參軍孔述睿代
宗時徵拜太常協律郎孔收宋徵為祕書自校書郎孔宗旦宋辟為
邕州司戶參軍孔翦元薦辟為開封縣尹

國朝雍正五年孔傳檣以賢良方正薦授五河知縣

科目之選自兩漢以來其名不一以賢良方正舉者漢元帝時有孔
光以博士弟子舉者西漢有孔卬東漢章帝時有孔偁以文學舉者
東漢有孔仁以孝廉舉者東漢有孔宙孔翊孔彪晉有孔撫孔靖齊
有孔琇之北魏孝文帝時有孔乘以秀才舉者宋有孔凱南齊明帝
時有孔休源孔稚珪梁有孔奐以明經高第舉者隋煬帝時有孔穎
達以制科舉者隋文帝開皇中有孔嗣越唐中宗嗣聖六年有孔季

翊其無年代者史皆失考自隋大業中始設進士科於是科目專以進士爲貴矣

進士唐高祖武德中有孔楨太宗貞觀中有孔昌禹德宗時有孔戡
孔戡貞元二十七年有孔載憲宗元和五年孔敏行以第一人及第
穆宗長慶元年孔溫業以第二人及第宣宗大中十三年孔緯以第
一人及第懿宗咸通二年有孔絢孔綸四年孔振以第一人及第七
年有孔炅孔紵僖宗中和三年孔拯以第一人及第昭宗乾寧元年
有孔昌庶三年有孔邈光化三年有孔昌明而唐世第進士者尙有
孔溫裕孔溫資孔溫諒孔昌弼孔昌序後五代晉時有孔莊南唐有
孔瑄孔瓊孔玳其年代皆不可考宋太祖建隆初有孔憲太宗太平
興國二年孔世基以鄉貢十舉以上賜同本科出身雍熙二年有孔
勛真宗大中祥符五年有孔道輔仁宗慶歷三年有孔延之嘉祐四
年有孔舜亮六年有孔文仲孔武仲英宗治平二年有孔平仲哲宗

元祐三年有孔滋孔淑紹聖元年有孔源孔灑徽宗崇寧三年有孔宗哲宣和四年孔端木初名端朝以幸學惠特賜出身高宗紹興八年有孔復又有孔端隱孝宗淳熙五年有孔邦翰寧宗慶元二年有孔燁嘉定三年有孔伯元孔伯迪理宗寶慶二年有孔元善嘉熙二年孔應得以幸學恩賜同進士出身淳祐七年孔應選援世基例賜同本科出身十年有孔靈發寶祐元年有孔宗武孔文樸度宗咸淳三年孔景行以幸學恩用應得例賜同進士出身而宋世成進士者尚有孔信孔俸孔札孔安仁孔宗翰孔延澤孔若拙孔若初孔和仲孔汶孔清年皆不可考金世宗大定二十二年有孔擢章宗明昌四年孔端甫以年德俱高特賜進士及第宣宗貞祐二年有孔塘又有孔擊以終場賜及第元至正十年有孔克任又有孔沂孔涇孔士倫孔俞立年代皆不可考至唐宋金元凡明經科亦稱進士唐懿宗咸通十年孔燿以明經第一人及第十二年有孔晦此外又有孔若思

孔戡孔策孔遵孺孔遵憲孔絳孔維乾皆以明經登科宋之以明經得第者大中祥符閒有孔渭賜同三傳出身孔延世孔延渥孔延祐孔延齡孔聖佑皆賜同學究出身理宗景定三年有孔夢斗又有孔玠孔橋孔溫其孔碩孔從孔衛孔衢年代皆不可考金之以明經得第者有孔琇孔樞並識於此明之進士景帝景泰五年甲戌科孔公恂神宗萬歷三十五年丁未科孔宏願熹宗天啓二年壬戌科孔闓諱孔聞詩五年乙丑科孔聞籍莊烈帝崇禎四年辛未科顏衍紹十年丁丑科孔衍圭十三年庚辰科孔尙則

國朝康熙六年丁未科顏光敏九年庚戌科孔興鈺十二年癸丑科顏光猷二十七年戊辰科顏光敬四十八年己丑科孔衍治顏紹標五十二年癸巳科顏紹纘雍正二年甲辰科孔傳堂乾隆四年己未科孔傳炯

舉人明成祖永樂六年戊子科有孔謬孔信九年辛卯科孔公鏞宣

宗宣德元年丙午科顏繼十年乙卯科孔公禮英宗正統九年甲子
科孔公恂景帝景泰元年庚午科孔公錫四年癸酉科孔諗七年丙
子科孔諶孔彥麒天順三年己卯科孔公怡憲宗成化四年戊子科
孔彥祿十三年丁酉科孔諱孔彥仕十九年癸卯科孔公才孝宗弘
治十一年戊午科孔承震世宗嘉靖四十年辛酉科孔闡誥神宗萬
歷四十六年戊午科孔闡檀孔闡詩孔自授熹宗天啓元年辛酉科
孔闡籍孔闡諱四年甲子科孔衍圭孔尙鉞七年丁卯科孔闡諱孔
倫則莊烈帝崇禎三年庚午科顏衍紹顏伯執六年癸酉科孔貞璠
孔貞珩九年丙子科孔貞煥十二年己卯科孔興岩十五年壬午科
孔衍檜

國朝順治二年乙酉科孔貞權三年丙戌科孔貞良五年戊子科孔
闡典八年辛卯科孔貞亮十一年甲午科孔衍陞十四年丁酉科孔
興於十七年庚子科孔貞瑄孔貞璠康熙二年癸卯科顏光敏孔衍

炳五年丙午科孔貞育孔興紆八年己酉科顏光猷孔興言十一年
壬子科孔尙鉉孔毓喬十四年乙卯科顏光是孔興璉十七年戊午
科孔毓德孔尙惇二十年辛酉科孔毓榮孔興瑄二十三年甲子科
顏光敷孔興祥二十六年丁卯科孔衍弼顏光濬二十九年庚午科
孔尙欽孟尙琰三十二年癸酉科孔尙巖孔衍基三十五年丙子科
孔貞憲孔毓洙三十八年己卯科孔尙鑑孔衍治四十一年壬午科
顏紹標孔衍楠四十四年乙酉科孔興振顏紹標四十七年戊子科
顏紹續孔尙溥五十年辛卯科顏光謀孔興增五十二年癸巳科孔
繼雷孔貞琬五十三年甲午科孔衍偉孔傳篤五十六年丁酉科孔
衍溶孟衍祉五十九年庚子科孔尙釗孔衍樟雍正元年癸卯科孔
傳堂孔繼風二年甲辰科孔傳桂孔興湯孔毓昌四年丙午科顏懷
禧孔傳梅孔傳炯七年己酉科孔毓普孔衍樸顏懋寅十年壬子科
顏紹贊孔毓洵曾尙治孔傳松十三年乙卯科顏崇楫顏紹漢孔傳

焯乾隆元年丙辰科孔傳炯孔傳習孔毓遠孔毓達三年戊午科顏
懋恕顏懋錦孔傳是六年辛酉科孔衍灝孔傳榮孔毓鵬九年甲子
科顏崇湘孔興檀孔傳科十二年丁卯科孟毓燦孔興揮而繼汾亦
於是科應本省鄉試中式十五年庚午科孔傳綸孔興楮孔傳渭十
七年壬申科孔衍訥孔毓銘孔廣梓十八年癸酉科孔毓森孔繼灼
孔衍渚二十一年丙子科孔傳沂孔廣奮孟尙淇二十四年己卯科
孔繼睿孟興鎬孔毓湘二十五年庚辰科孔繼涵顏崇檢孔繼宋
副榜貢生明天啓元年辛酉科有孔尙標崇禎十二年己卯科有孔
尙儒

國朝順治十四年丁酉科有顏光敏康熙二十年辛酉科有孔興祥
顏光岳五十二年癸巳科有顏紹賢尙有孟尙序顏光昌年皆不可
考雍正十年壬子科有孔衍泗乾隆元年丙辰科有顏懋璞三年戊
午科有孔衍灝十八年癸酉科有孔傳沂

拔貢生明正德十二年有孔承瑀嘉靖八年有孔彥確十年有孔彥碩十一年有孔宏鐸三十七年有孔宏盛隆慶間有孔承倜萬歷間有孔宏衍孔聞定泰昌間有孔聞諤天啓間有孔宏頤崇禎間有顏伯華

國朝順治十二年有孔興朝康熙十一年有孔尙鉉顏光昌三十七年有顏紹樸孔興治尙有孔貞興孔尙基顏伯倬顏九易孔貞培年皆不可考雍正元年有孔傳松顏崇湘七年有孔繼儒顏懋倫十三年有孔衍沂顏懋价乾隆六年有孔興樞孔興挹十三年有孔繼炘孔傳沂孔毓炳孟傳銳顏懋企曾衍樵十八年有孔傳灝孔繼睿優貢生乾隆九年有孔繼涼

陪祀恩貢生始於明熹宗時以後凡幸學召取陪祀者生監奉祀生皆以恩例准貢今類而志之天啓四年有孔聞範孔聞謨孔貞祉孟貞時曾承祐崇禎二年有孔聞俊孔貞芳孔尙皞孔尙遜顏伯忠顏

伯倬孟聞政孟聞熙十四年有孔貞恆孔宏化孔貞來孔興訓

國朝順治九年有孔尙燃孔衍洪孔衍劬孔尙瑀孔興義孔貞旨孔尙經顏伯潤顏光秀曾聞道曾以任孟聞芳孟聞真仲應敏仲應甲康熙八年有孔興詢孔尙詰孔興謨孔尙鈐孔毓珍孔興燦孔興範顏紹徽顏伯珣曾聞迪曾聞進孟貞琬孟衍蘭仲承烈仲繼培二十三年有孔毓珣孔毓璋孔毓玠孔衍璠孔毓基孔衍溥孔毓培顏懋修顏光枚曾貞震曾尙溥孟貞儒孟聞和仲秉恭仲承述雍正二年有孔毓錫孔傳商孔毓銘孔傳派孔興樾孔衍派孔衍涵顏懋齡顏懷禪曾衍樞曾尙淇孟衍岳孟衍淑仲蘊鏞仲蘊鏡乾隆三年有孔繼袞孔廣棣孔興抒孔傳澗孔傳鉞孔傳洙顏崇啓顏懷祖曾尙淳曾尙渭孟尙珣孟興鈔仲蘊鈺仲耀涵閔克標閔克岐冉上進冉天瑞卜美卜連言如泗言錫冉繼先冉寶霖端木濂端木長太顯孫融道顯孫世德東野崇銘東野崇釗而繼汾亦於此次陪祀蒙

恩准貢至

國家遇大慶典學校亦有恩貢則以生員應正貢者充之故仍入歲貢中

歲貢生明成化年間有孔希承孔承樸孔公仲孔公森孔公潤孔彥儲孔彥組孔公華孔彥禮弘治年間有孔承夏孔公玘孔彥鵬孔彥雲孔彥珣孔承緒正德年間有孔承詔孔彥健孔公杰孔彥珩嘉靖年間有孔彥瑄孔公鉸孔彥倬孟希達孔彥生孔承諭顏重禮孔彥衢孔公賤顏重清孔宏川孔宏毅顏重文孔承亮孔彥嗣孟彥詩孔彥韋孔彥隆孔宏中孔承鏐孟承禮孔承深孔彥珮孔承學孔承尹孔承滿孔宏廊孔彥訥孔承前孔宏申孟承相孔彥厚孔宏綿隆慶年間有孔宏煦孔闡炳孔承先孔彥滂孔承茹萬歷年間有顏從舜孔彥津顏宏乾孔宏景孔貞樗孔闡德孔承埕孔闡耀孔貞成孔闡敬孔宏昇孔闡秀孔宏鼎孔承季孔承仍孔宏典孔闡仕孔承儼孔

貞棟孔宏秦天啓崇禎年閒有孔宏猷孔承紀孔宏森孔聞上孔聞
舉孔宏賓孔聞諒孔貞明孔聞誨孔聞古孔宏頡顏嗣振孔尙文孔
貞志孔尙璉孔聞祉孔尙暉孔宏顯孔貞成孔尙孝孔聞諦孔貞所
孔宏侃孔聞謹孔聞恍孔尙炳孔聞賀孔聞武孔貞璞孔尙象孔承
鑄孔貞俊孔尙達孔宏轉孔聞宥孔貞範孔聞課孔聞誦孔聞庸孔
聞賡孔貞敬顏嗣植

國朝順治年閒有孔衍琦孔貞燦孔衍標孔衍楫孔尙科孔貞鑑孔
宏存顏伯秀孔貞楷孔尙賓顏衍毅孔尙行孔貞瑄孔興誘孔貞起
康熙年閒有孔衍棻孔尙平孔貞搢孔貞範孔貞耿孔貞璵孔興珩
孔衍茂孔興鉢孔衍鑄顏衍嘉孔尙讓孟宏偉孔興侗孔尙瑄孔聞
明孔衍璽孔毓炫孔衍焜孔衍避孔興慶孔貞湛孔尙凜孔興信孔
毓僑孔尙瑄孔尙德顏紹灼孔興諱孔傳中孔興釗孔尙資孔衍夔
顏伯榮顏光瑄孔貞綸孔興浩孔貞璐孔尙典孔衍鈿孔衍瑾孔衍

楷孔尙謙孔衍忾孔尙湘顏光先孔衍枚孔興詔孔衍校孔毓普孔
衍縉顏紹滋顏光敘顏紹樾孔興偉顏懋顯孟衍鶴孔興詩曾貞蒙
孔尙鍵孔興烘孔尙銑孔衍法雍正年間有孔尙嘔孔毓理孔毓懿
顏光復孔尙翰孟尙瑄孔貞志孔毓金孔傳業孔興海孔毓沂孔興
健孔興鎰顏紹炳顏紹烺乾隆年間有孔毓梓顏懋愷孔興榛孔繼
炯孔毓鉉顏懋僑孟澤厚顏光敷孔興敦顏崇義顏紹緘孔衍皐孔
傳心孟尙崑孔毓鈇孔衍楫曾貞任孔興浚孔毓信顏懋燁孔尙懋
顏紹海孔傳組顏懋樞孔衍鑑顏懋炳孟興一顏懋儀顏光宴孔傳
緯顏光樞孔傳庸

述曰按闕里志兼載流寓諸孔今自設學定額以來凡非入本學者
皆不載其舉人有溢額者以慶典廣額或由京兆領薦也歲拔貢有
不符額者以歲久失其名也陪祀恩澤徧及賢裔故亦因事彙記焉
至武舉之制仿自唐朝宋復增置武學省試廷對亦賜及第出身而

孔氏以此進者有元孚元圭二人第其時或不專授軍職銓選注擬開換文資自明太祖定鄉會貢舉法文武始截分爲兩途而四氏學武生之設則起於

國朝康熙四年其有登鄉薦者康熙八年己酉科孔衍江十一年壬子科孔興溱十七年戊午科孔興祉二十六年丁卯科孔傳斌三十八年己卯科孔尙寬五十二年癸巳科孔毓銘五十六年丁酉科孔繼恭五十九年庚子科孔毓麟雍正元年癸卯科孔毓鑑二年甲辰科孔傳業四年丙午科孔尙芳七年己酉科孔廣攷十三年乙卯科孔傳榜乾隆元年丙辰科孔繼鏗而孔興祉於康熙三十年辛未會試成進士孔廣攷於雍正十一年癸丑會試成進士今附列於篇末云

關里文獻考卷二十八終

闕里文獻考卷二十九

城邑山川第九

曲阜古帝都也爾雅曰大陸曰阜應劭曰魯城東有阜委曲長七八里故名曲阜星野分降婁之次在禹貢爲徐州地按左傳云魯有大庭之庫孔穎達曰大庭氏古天子之國魯城內有大庭氏之虛於其上作庫又史記云神農氏都陳遷於曲阜又帝王世紀云少皞自窮桑登帝位徙都曲阜崩葬雲陽山在殷爲奄在周爲魯戰國時魯爲楚所滅地遂入楚秦并天下置郡縣魯屬薛郡劉項共起誅秦項羽自立爲西楚霸王梁楚并有魯地漢王五年破羽垓下略定楚地魯爲楚堅守不下漢王引諸侯兵北示魯父老項羽頭魯乃降考史記漢王以魯公禮葬羽於穀城在今東阿縣而曲阜城東北漢下村有古冢俗呼霸王頭相傳爲葬羽首處云漢初置魯縣屬豫州部呂后時封張偃爲魯元王卽以魯縣爲國治尋廢景帝三年又徙封子

淮陽王餘於此是爲魯共王共王好治宮室作靈光殿遭王莽之亂
國除而靈光殿巋然獨存光武初改屬任城郡建武十九年廢太子
疆爲東海王令因靈光之遺仍都於魯魏晉廢國置魯郡即以魯縣
爲郡治宋徙魯郡治鄒縣以魯縣爲屬邑改隸兗州部後魏仍以魯
縣爲魯郡治北齊改魯郡爲任城郡隋文帝開皇三年廢任城郡縣
屬兗州四年改縣名汶陽十六年又改名曲阜煬帝大業二年復魯
郡改隸徐州部而曲阜仍屬魯郡唐太宗貞觀元年縣省八年復置
仍屬兗州魯郡隸河南道宋真宗大中祥符五年以軒轅黃帝降於
延恩殿考帝王世紀云黃帝生壽邱卽今曲阜地乃於曲阜作景靈
宮以奉之改縣名仙源縣屬京東西路襲慶府金太宗天會七年復
改仙源爲曲阜世宗大定十九年改襲慶府爲泰定軍隸山東西路
元世祖至元十六年改泰定軍爲兗州隸山東東西道濟寧路總管
府明太祖洪武十八年陞兗州爲府隸山東布政使司而曲阜仍舊

屬

國朝因之縣境廣五十五里袤七十五里縣治東至啓聖林三十里接泗水縣界西至金口壩二十五里接滋陽縣界南至馬鞍山二十五里接鄒縣界北至歇馬亭五十里接寧陽縣界考古魯國城相傳其門有十二正南曰稷門水經注云沂水北對稷門春秋僖公二十一年新作南門杜預注曰本名稷門僖公更高大之故名高門又名臯門史記齊人以女樂遺魯陳之魯城南臯門之外是也南左曰章門南右曰雩門左傳莊公十年公子偃請擊宋師自雩門竊出蒙臯比而先犯之大敗宋師於乘邱卽此也正北曰圭門北左曰齊門北右曰龍門正東曰建春門國語曰海鳥曰爰居止於魯城東門之外三日疑卽此數東左曰始明門又曰上東門左傳定公八年公斂處父帥成人自上東門入與陽氏戰於南門之內是也東右曰鹿門左傳襄公二十三年臧孫紇斬鹿門之關以出奔邾是也正西曰史門西

左曰歸德門西右曰麥門今郭外迤邐環繞巨阜相屬或云卽古魯城遺址而水經注亦云沂水逕魯縣故城南縣卽曲阜之地阜上有季氏宅宅有武子臺臺西北二里有周公臺臺南四里許則孔廟卽夫子之故宅也又寰宇記載闕里在曲阜縣西南三里孔林在縣西北六里以今考之古縣當在城東二里許古城村閒寰宇記作於宋太宗時意宋以前曾建治於其地歟大中祥符閒改縣爲仙源徙治壽邱在今城東八里卽所謂舊縣者是也歷金元明至武宗正德七年流寇劉七犯闕里明年按察使司僉事潘珍疏請改建今城城周八里三十六步高二丈厚半之池深一丈廣稱之凡五門正南曰仰聖門東南曰崇信門東曰秉禮門西曰宗魯門北曰延恩門至聖廟在城中廟之基卽古闕里水經注孔廟東南五百步有雙石闕故名闕里考春秋定公二年雉門及兩觀災注兩觀闕也又史記魯世家煬公築茅闕門蓋闕里者闕下之里也又論語有闕黨而荀子曰仲

尼居闕黨然則闕里闕黨本一也今廟東南仰高門外有闕里坊坊北爲鐘樓鐘爲明嘉靖元年山東巡撫陳鳳梧造鐘樓北直故宅門故宅之東爲衍聖公府第明洪武十年勅建孝宗弘治十六年勅重修又東爲鼓樓出鼓樓折而北爲陋巷街顏子廟在其北闕里坊東南爲學使校士館又東爲南池或云靈光殿遺址或云卽魯僖公泮宮也六十一代衍聖公營爲別墅積石成山植蓮於沼暇卽遊憩其間因自號曰南溪乾隆二十年今衍聖公昭煥白於署撫臣白鍾山因其故址改建

行宮我

皇上翠華屢幸皆於此

駐蹕焉聖廟之西爲四氏學宮學宮東南爲雙相圃圃西爲曲阜縣儒學又西爲曲阜縣署出縣北門二里卽聖林林東北爲洙泗書院城之東北里許爲周公廟或云魯太廟故基也又東北七里爲少昊陵

陵在舊縣城北門外至舊志所載窮桑城奄里舞雩壇闕鷄臺諸古蹟甚大都荒遠難稽聞出傳會茲故不錄惟取尼防洙泗諸山川列之於篇

尼山在縣東南六十里本名尼邱山以避聖諱去一字卽顏母所禱也山五峰連峙名五老峰書院在中峰之麓下有坤靈洞北爲中和壑其流爲智源溪溪卽沂水之源宋仁宗皇祐二年以尼山爲孔子誕生之地封山神爲毓聖侯

顏母山在尼山東三里中隔沂水上有顏母井及祠堂遺址

昌平山在尼山南五里下有魯源村卽史記所云昌平鄉也

防山在縣東三十里山之陰十里爲啓聖王墓

泗水在聖林後去縣北門八里國語宣公夏濫于泗淵里革斷罟棄之韋昭云在魯城北是也源出泗水縣陪尾山四泉並發彙爲一渠復納諸泉西北流出下橋與洙水會合而北入曲阜境又西流繞聖

林後又西南至兗州府城東黑風口分支入郡城東墉貫城西出逕平政橋至二十里舖入濟寧州界又西南流逕杏林間至楊家壩折而西北流逕林家橋會泇水入馬場湖其經流逕郡城東金口壩泇水從東來會之又南逕泗水橋入鄒縣之許家村至安上口復入滋陽縣界至柳溝村入濟寧州界又西南會白馬河由魯橋入運河按水經云泗水出魯下縣北山西南逕魯縣北又西過瑕邱縣東屈從縣東南流泗水從東來注之又南過平陽縣西又南過高平縣西泇水從北西來流注之又南過方輿縣東荷水從西來注之又屈東南過湖陸縣南有涓水從東北來流注之又南過沛縣東又東逕山陽郡又東南過彭城縣東北又東南過呂縣南又東南過下邳縣西又東南入于淮此蓋泗之故道自黃河南徙泗之不入淮久矣泇水源在城東北五里地名五泉莊西流入林東牆水關逕聖墓前出西牆水關又西流折而遶城西南入於沂以達泗按此非古泇水

也考水經云洙水出泰山蓋縣臨樂山西南至卞縣入于泗而山東通志則辨之云蓋縣在沂水縣西北八十里距卞不下三百餘里重山疊嶂其道難通而今洙水之源實在泗水縣東北關山關山乃費縣蒙山之麓費北境有漢華縣故址意蓋字乃華字之訛又泗水縣志云泗源在南洙源在北其說似爲得之又水經注云洙水西南流盜泉水注之又西南流于卞城西西南泗水亂流西南至魯縣東北又分爲二水水側有故城兩水之分會也洙水西北流逕孔里此是謂洙泗之間矣洙水又西南枝津出焉又南逕瑕邱城東而南入石門又西南逕南平陽縣之顯閭亭西又南洙水注之又南至高平南入于泗細繹水經注是漢時洙水逕卞縣故城北泗水逕其城南會合於卞城之西今則泗水北出卞橋卽與洙會蓋已在故卞城之東矣至洙水在卞城以北其流尚湯湯不匱而旣合之後遂不復分所謂至魯縣東北又分爲二水逕孔里至高平入于泗者其故道久絕

乾隆八年繼汾同弟繼涑欲尋洙水經流古蹟至五泉莊北得古碑
一有浚復洙河四大字無年月款識卽其地掘之得源泉混混然後
知古人曾有修復之者而故道終不可得遂濬此泉以當之耳今歲
久仍就淤塞乃具畚鍤聚徒旅循舊迹而深浚之引逕聖林由沂以
入於泗卽今之洙水也而古時故道終不可復識云

沂水發源於尼山之智源溪西北流逕縣城南又西流至兗州府城
東入於泗按沂水有二此非水經所稱出蓋縣艾山之沂水蓋鄆道
元所謂出尼邱山西北流逕魯縣故城南北對稷門又西逕圖丘北
又西右注泗水者是也

述曰記有之廣谷大川異制民生其閒異俗况闕里爲古帝王都會
山川靈秀聖哲迭興沐浴教澤而被遺風者其俗固宜與他處異嘗考
之古之論魯俗者明堂位曰魯君臣未嘗相弑也禮樂刑法政俗未
嘗相變也天下以爲有道之國是故天下資禮樂焉漢地理志曰周

以少昊之墟曲阜封伯禽爲魯侯其民有聖人之教化故孔子曰齊一變至於魯魯一變至於道言近正也瀕洙泗之水其民涉度幼者扶老而代其任俗旣益薄長老不自安與幼少相讓故曰魯道衰洙泗之閒斷斷如也孔子閔王道將廢乃修六經以述唐虞三代之道弟子受業而通者七十有七人是以其民好學上禮義重廉恥今去聖久遠周公遺化銷微孔氏庠序衰壞地陘民衆頗有桑麻之業亡林澤之饒俗儉嗇愛財趨商賈好訾毀多巧僞喪祭之禮文備實寡然其好學猶愈於他俗漢興以來魯東海多至卿相隋地理志曰齊魯之所尙無不賤商賈務稼穡尊儒慕學得洙泗之俗焉唐李白曰民有聖人之教化尙禮義重廉恥有桑麻之業君子以材雄自高小人則鄙野難治宋地理志曰大率東人皆朴魯鈍直甚者失之滯固然專經之傳爲多馬端臨通考曰徐方鄒魯舊國漢興猶有儒風元方輿勝覽曰魯郡家顏閔人由求綜斯衆說可以見先代禮樂之風

終古未衰於闕里也今日者去先聖二千二百餘年遺蘊流風幾不可復見矣而其君子敦禮教而事詩書其小人樂畎畝而重犯法入其里者欣欣然猶有古遺風焉謂非聖人之鄉而能若是乎然抱殘守故家自爲師不能恢廓見聞以適於世用蓋寡陋而近於固者有之守其淳樸而益以宏通是所望於有志者矣又闕里物產多與他處同其異者有蒼草出先聖冢上旣凋復青莖有八棱象八卦葉有五出象五行以一叢五十莖者爲貴然不可得以採者衆也林中產芝或黃或紅或紫絢若文錦蓋林中蕃古木故多蒸蘊而出宋王欽若採獻以爲瑞則貢諛矣林山藥堅細長嫩形如地黃以入藥勝河南懷慶者林中多楷樹文理堅細或削爲杖或製爲棊枰或剝其節爲飲器其葉初生時採製如焙茶法清香可以烹滌林中有草曰文草葉細而蔓生冬夏不凋深秋結實具五色五味有蟲曰文蟲似蟬而小二三月卽鳴樹杪若琴瑟笙簧之奏焉

關里文獻考卷二十九終

闕里文獻考卷三十

宗譜第十

聖裔大宗世系考敘之詳矣若小宗支庶則具載於孔子世家譜焉譜之作仿於四十六代孫宗翰蓋前此家乘止載承襲一人茲乃大合族屬而並譜之所以昭親親也嗣後踵是增輯遂定爲三十年小修六十年大修之例而子姓蕃衍枝遠益分始而紀以五位繼復別以二十派繼又分爲五十七戶再增而爲六十戶今在譜者已不下二萬人而流寓他處及干犯名義流入異端廝役者不與焉嗚呼聖澤之流衍至今日亦可謂極盛矣五位源皆出於四十三代文宣公公生四子曰宜曰憲曰冕曰勛冕一傳絕憲再傳絕有傳者止宜勛二人宜爲冢嫡至孫宗愿皆襲封世爵故稱宗愿曰襲封位勛生五子道輔良輔彥輔延濟延範延濟延範無嗣道輔生二子長舜亮爲中散大夫稱中散位次宗翰爲刑部侍郎稱侍郎位良輔生二子宗

壽宗哲宗哲五傳絕宗壽爲太子中舍稱中舍位彥輔生二子漢英

宗毅漢英一傳絕宗毅爲國子博士稱博士位此四十六代之所分

也至五十三代兄弟共六十有一有傳者僅二十人曰浣曰沂曰澹

曰治曰澄曰濟曰淙曰洺曰演曰淑曰泗曰濱曰滋曰浩曰淋曰滄

曰洵曰泃曰涇曰澱卽從五位中所分出之二十派也今再析而言

之襲封位下分六派二十五戶蓋自襲封衍聖公宗愿四傳至五十

代進義校尉拂有子三長元直次元孝次通直郎元用元直無嗣元

孝生贈魯郡侯之厚子三長贈魯郡侯浣次進士沂次鉅野尹

澹浣爲第一派至孫國子祭酒衍聖公克堅有子九人長希學次希

說次曲阜知縣希範次希進次希麟次希鳳次希順次希尹次希贊

希贊無後其八人希學以嫡長襲封衍聖公爲大宗戶第一乾隆甲

子修譜計見丁一千六百九人以下各以所居名戶希說居臨沂村

爲臨沂戶第二四百五十五人希範子三詢誠閣詢爲孟村戶第三

九百七十三人誠爲道溝戶第四四百一十六人闔爲滕陽戶第五
五百七十二人希進爲舊縣戶第六八百二十九人希麟爲終吉戶
第七一千二百七十二人希鳳爲蔡莊戶第八五百四十四人希順
爲戴莊戶第九三百五十三人希尹爲栗園戶第十二百八十九人
右第一派凡十戶沂爲第二派子二長權主祀事思進次提領監修
林廟思義思義無嗣思進子二克謹克勉克謹爲時莊戶第十一四
百六十一人克勉爲泗北戶第十二三百四十一人右第二派凡二
戶潯爲第三派子三長汝寧府推官思友次曹州景山書院山長思
古次盤陽路教授思本思本流寓定陶別有譜思友爲店北戶第十
三三十九人思古爲西郭戶第十四九十六人右第三派凡二戶元
用生曲阜縣尹之全之全子三長知密州襲封衍聖公治次監修林
廟澄次曲阜縣尹濟治爲第四派生衍聖公改曲阜縣尹思誠思誠
生曲阜縣尹克欽克欽子二長曲阜知縣希大次曲阜縣尹希章希

太子三詩詰詎詩爲仙源戶第十五二百一十四人詰爲泉南戶第
十六六十四人詎爲齊王戶第十七五百八十二人希章爲盛果戶
第十八四百六十五人右第四派凡四戶澄爲第五派子五長思忠
次濟寧同知思恭次思謙次穰縣主簿思履次思智思忠思恭思謙
思智皆一傳絕思履生曲阜知縣克伸克伸子三希祚希武希緒希
祚爲苗孔戶第十九三百一十五人希武爲文獻戶第二十六十五
人希緒爲沂北戶第二十一五百四十九人右第五派凡三戶濟爲
第六派子四長曲阜縣尹思凱次思庸次思直次太常寺太祝思善
思庸思善皆一傳絕思凱生肥城主簿克義克義子三希舉希巖希
雲希皇爲賢門戶第二十二九十一人希巖爲石村戶第二十三一
百六十三人希雲爲魯賢戶第二十四一百二十九人思直爲沂陽
戶第二十五九十二人右第六派凡四戶中散位下分三派四戶中
散生子三長新泰令若升次仙源丞若谷次仙源尉若古若谷無嗣

若古後改名傳流寓衢州別有譜若升子五長直祕閣京東轉運司
管勾公事端節次端夫次端義次太學博士端朝次端臣端義無嗣
端夫傳三世絕端朝流寓衢州別有譜端節子五長曲阜主簿環今
譜譌環次曲阜主簿瑀次忻州同知琰次曲阜尉玳次知和州瓚環
四傳絕瑀一傳絕琰二傳絕瓚流寓衢州別有譜玳生掖掖生元達
元達生之將之將子三淙淙汜汜無嗣淙爲第七派子三思蹈思靜
思敬思蹈思敬皆一傳絕思靜生洽州路教授克諒克諒生濟寧路
教授希英希英子二誨誨誨爲孔村戶第二十六四百三十三人謀
爲王堂戶第二十七五十一人右第七派凡二戶淙爲第八派稱小
莊戶第二十八六十九人右第八派凡一戶端臣子二長鼓四傳絕
次琿子二長搏一傳絕次接生權主祀事元讓元讓生權主祀事之
深之深子二長源無嗣次權主祀事演爲第九派稱宮端戶第二十
九一百四人右第九派凡一戶侍郎位下分三派十二戶侍郎生子

四長奉直大夫恢次朝散大夫惇次儒林郎忱次奉議郎恂惇四傳
絕枕生仙源丞壘壘生族長瑄瑄流寓衢州別有譜恢生泰寧軍節
度判官松生班班子二長提領監修祖廟揮次摘摘無嗣揮生提
領監修祖廟元石元石生權主祀事之文之文子二長注無嗣次朝
城尹淑爲第十派子七長嘉祥尹思遵次河中府判思遵次太常禮
儀院判思逮次同知禮儀院使思迪次東平路同知思永次內臺管
勾思禮次中書省參政思立思立無嗣思適思逮皆一傳絕思遵爲
華店戶第三百八十二一人思迪生曲阜縣令克昌克昌子二長
米脂知縣希毅爲古城戶第三十一六百四十二人次希彥希彥子
三訕諭言訕爲岡山戶第三十二一百三十五人諭爲魯城戶第三
十三一百七十八人言爲孔屯戶第三十四八十一人思永爲西城
戶第三十五八十三人思禮爲舊城戶第三十六一百五十八人右
第十派凡七戶恂子二鎬鎬鎬二傳絕鐙子四琦玘玷瑤琦無嗣玷

一傳絕瑤四傳絕玘生樾樾生元恩元恩子二之英之榮之榮無嗣
之英子四長泗次濬次洙泗書院山長濱次深濬無嗣泗爲第十
一派稱呂官戶第三十七八十八人右第十一派凡一戶濱爲第十二
派子三長聖澤書院山長思範次虞城教諭思政次思常思常無嗣
思範爲林前戶第三十八三百五十四人思政子三長克淵次克一
次曲阜知縣克中克淵爲防西戶第三十九二百一十九人克一爲
林門戶第四十二二百二十三人克中爲官莊戶第四十一五百九十
六人右第十二派凡四戶中舍位下分一派一戶中舍生子四若涉
若涉若汭若水若涉無嗣若涉一傳絕若汭三傳絕若水生端樾端
樾生權主祀事環環子二長拭無嗣次廟學教授摯摯生廟學教授
元量元量子二長翰林國史院編修之柔次之著之著一傳絕之柔
生聖澤書院山長滋爲第十三派稱大薛戶第四十二一百一十四
人右第十三派凡一戶博士位下分七派十八戶博士生子六長族

長仙源主簿若鑑次進士若初次若師次若符次壽張令若鼎次若鈞若初若符皆三傳絕若師二傳絕若鈞一傳絕若鑑生端熙端熙子二長招遠主簿璿次瑞璿無嗣璿子二長族長撫一傳絕次修武尉撫生提領監修祖廟元質元質子三長提領監修祖廟之容次提領監修祖廟之進次兗州同知之明之進之明皆一傳絕之容子五長河次津次汴皆無嗣次鉅野尹浩次鄒縣醫學教諭淋浩為第十四派稱廣文戶第四十三一百八人右第十四派凡一戶淋為第十五派稱小薛戶第四十四二百一十八人右第十五派凡一戶若鼎生進義校尉族長端修端修子二長珣一傳絕次提領監修祖廟琇生濟竟單三州宣課使權主祀事鼎子五長承事郎元正次濟陽主簿元裕次興化路經歷元敬次元冲次須城主簿元伸元正元冲皆二傳絕元裕子二長之寧一傳絕次之安子三滄瀝渡滌渡無嗣滄為第十六派子二長容城教諭思宣次思盛思盛無嗣思宣生克

懋克懋子二長希儒次族長希韶希儒爲陶樂戶第四十五七百四十七人希韶爲北公戶第四十六一百七十九人右第十六派凡二戶元敬子四長雲夢尹之熙次青陽稅使之敏次太常博士之載次深澤教諭之謹之敏一傳絕之熙子三長東平路教授洵次渙次渟渙渟皆無嗣洵爲第十七派子二長思權次盤陽路教授思衍思權生克清克清子三希翥希翀希鏗希翀四傳絕希翥爲紙坊戶第四十七一百六十四人希鏗爲董莊戶第四十八六十五人思衍生曲阜知縣克管克管子八希從希讓希幹希善希恆希豫希節希濟希從爲防上戶第四十九六十九人希讓爲高莊戶第五十一一百八十二人希幹爲南公戶第五十一一百六人希善爲星村戶第五十二二百五十三人希恆爲古柳戶第五十三六十九人希豫爲吳孫戶第五十四三百三十九人希節爲東村戶第五十五八人希濟爲磨莊戶第五十六二百九人右第十七派凡十戶之載子二長澤無嗣

次江南行臺都事洸爲第十八派稱張曲戶第五十七二百四十八

人右第十八派凡一戶之謹生翰林國史院檢閱族長涇爲第十九

派稱息鄰戶第五十八七百六十三人右第十九派凡一戶元伸子

三長大寧路學正之肅次泰安州判之嚴次費縣尹之威之嚴之威

皆一傳絕之肅子二長膠西主簿瀚次澈澈無嗣瀚爲第二十派瀚

子二長權主祀事思度次思實思實無嗣思度子二克佐克弼克佐

爲西林戶第五十九四百二十五人克弼爲林西戶第六十三三百七

十八人右第二十派凡二戶以上乾隆甲子修譜共計見丁一萬九

千八百四十九人此孔氏族譜六十戶支系之大凡也若夫流寓他

地確有可考者有第三派潏之少子思本徙居定陶一支又四十八

代衍聖公端友之從宋高宗南渡也四十七代孫傳與四十八代孫

端朝四十九代孫瓚瑄隨焉端友傳玠玠生摺摺生文遠文遠生萬

春萬春生洙自端友至洙凡六世皆於南宋時襲衍聖公後洙歸元

讓世爵於北宗卒後無子而南渡之大宗遂絕傳子端問爲奉新縣丞端問子璿漳州錄事參軍璿子攄銅陵主簿攄子應發武寧縣令應發子言兗州府同知言子津津子思許思許子克忠福清學正克忠子希路福州岳山書院山長希路子讓讓子公誠公誠子彥繩彥繩之後世襲五經博士與端朝瓊瑄之裔共居衢州是爲南宗又三十九代文宣公之第三子太子舍人郁郁子述述子檜遭五代之亂徙家溫州之平陽又三十五代文宣公璿之唐明皇時避亂寄居寧陵陵及曾孫嗣公惟旺世平歸魯雷幼弟兗州都督工曹惟時居寧陵守墓遂家焉又三十三代褒聖侯次子子歎生深州刺史賢亦同寓寧陵今儀封世襲學正卽其裔也又二十七代崇聖大夫次子工曹掾景進景進子國子博士靈龜靈龜子南臺丞碩碩子青州法曹參軍安齊安齊子國子祭酒穎達穎達子中書舍人志亮志亮子珪珪子東光令務本務本子海州司戶參軍如珪如珪子祕書省著作郎

岑父岑父長子尙書左丞戮戮長子四門博士溫質溫質長子絢爲
丹陽令遂家於丹陽又戮次子華陰丞遵孺遵孺長子宰相緯緯子
散騎常侍昌弼唐末朱溫之亂隨節度徐彥若之嶺南避地南雄又
岑父第三子衛尉丞分司東都戡戡子太子少傅溫資溫資子萊州
刺史昭昭子虞部郎中昌庶昌庶子莊爲晉右諫議大夫居河南又
岑父第四子京兆尹兼御史大夫戢戢子進士第溫諒溫諒子績唐
僖宗時爲吉州軍事推官因家於臨江又八代文信君第三子樹樹
子將軍蓼侯聚聚子太常臧臧子諸史琳琳子豫州從事黃黃子孫
失名其曾孫鉅鹿太守尙子陳相疇疇子賢賢子河東太守彪彪
子鴻臚父父長子征南軍司毓毓子廣陵太守衍衍子廬陵太守啓
啓子尙書祠部郎悛悛子粲粲子淳之宋文帝元嘉閒徵散騎常侍
不就避地上虞又父第三子冀州刺史郁郁子太子少傅潛潛子豫
章太守竺竺子湘東太守恬恬子餘不亭侯愉愉子建安太守闔闔

子侍中靖靖子著作郎靈運靈運子吳興太守琇之琇之子尙書三公郎臻臻子無錫令幼孫幼孫子宏範宮衛尉奐奐子祕書監紹安紹安子蘇州長史楨楨子季翊唐時爲左補闕流寓華亭凡此皆班班可考者也至再遷屢遷如南宗之遷於句容遷於嘉魚則不可勝書亦不能盡辨矣故不具錄

述曰吾宗族姓肇自孔父考春秋時以字孔爲族者尙多如鄭穆公宥子十三人宋子生公子嘉字子孔圭媯生公子志字士子孔其後皆以字爲孔氏孔張卽嘉之孫也此外鄭又有孔叔孔將鉏與陳之孔寧孔奐衛之孔達齊之孔虺孔距心皆非出自子氏而衛孔烝鉏則達之孫羈則烝鉏之孫圉則羈之子而悝又圉之子也凡此數族近世並不著聞而列史所載往往有在吾家譜系之外者雖吾宗失傳者固多然安知其非出諸孔之後乎自唐季陵遲氏族道廢遂有乘閒肆凶冒昌平之蔭如孔末者然則溯源流慎派別亦所以鋤非

種而辨竄冒也至孔氏子孫流寓他處者各以小宗立譜凡譜成必詣闕里請鈐宗主之印曲阜舊譜有流寓一卷載其初遷之祖所以紀始分略其以下之系葉所以闕疑而存信立法亦綦周密矣乾隆甲子修譜同事者爲寧遺母濫之說請於宗主削此一卷紛爭之不得然於心竊有所未安也故於茲考仍表而出之並敘其支派所自分以補譜之所闕

闕里文獻考卷三十終

關里文獻考卷三十一

孔氏著述第十一

自先聖刪述六經以垂教萬世而後代之言六藝者必折衷於孔氏
遭暴秦之厄篇帙散亡漢興羣儒區區修補然後六經傳記之書始
大顯於天下後之子孫守而弗失凡有著作類不敢騫隱怪而背遺
經家乘所傳章章可考也顧守道之儒抱經術博雅之士尙文章志
趣旣殊著作亦異而要以不詭於聖人之訓而止茲仿隋經籍志四
部之例各以類別並著於篇後之覽者亦庶幾知淵源之有自焉
昔伏羲氏始畫八卦以通神明之德以類萬物之情蓋因而重之爲
六十四卦及周文王作卦辭周公作爻辭謂之周易先聖爲彖象繫
辭文言序卦說卦雜卦之屬十篇謂之十翼以授弟子商瞿漢初田
何傳之其後有施孟梁邱之學又有京氏學宣元之世列於學官而
行於民間者別有費高二家之說然惟費氏經與古文同馬融鄭康

成荀爽王肅王弼之徒皆有傳注至隋諸說寢微惟王弼之注盛行

唐太宗貞觀中三十二代孫國子祭酒穎達與顏師古等同奉詔作

正義十六卷

舊唐志宋志並十四卷

六十代孫明荆王長史承侗有易經代言

卷

先聖討論墳典爰夷煩亂斷自唐虞以下訖於秦凡百篇而爲之序

遭秦燔書禁學挾書者畏秦法峻急皆藏書屋壁中漢興伏生家藏

者亡失止求得二十八篇以其上古之書謂之尙書百篇之義世莫

得聞已傳其學者有大小夏侯歐陽三家而漢書藝文志大小夏侯

解故云二十九篇者合以武帝時所出僞秦誓一篇也及孔壁全經

出始知伏生所授舜典合於堯典益稷合於皋陶謨盤庚三篇合爲

一康王之誥合於顧命其實蓋三十三篇也當時科斗書廢已久無

能知者十一代孫侍中安國奉詔作傳以所聞伏生之書考論文義

定其可知者以隸寫古才增多伏生二十五篇復出舜典以下五篇

得五十八篇并序一篇爲傳十三卷

宋志十卷

其餘錯亂磨滅弗可復知

者悉上送官藏之祕府又作古文尙書音五卷以巫蠱事起未列學
官晉永嘉之亂今文尙書並亡而古文尙書始大顯唐貞觀中三十
二代孫穎達與顏師古等奉詔撰義訓因采費甝之書作尙書正義
二十卷四十七代孫宋禮部侍郎武仲有書說十三卷五十二代孫
宋慶元府通判夢斗有尙書解卷六十六代孫承侗有書經代言卷
古者有采詩之官王者所以觀風俗知得失自考正也其詩本三千
餘篇先聖刪之純取周詩上采殷下取魯去其重取其可施於禮義
者凡三百五篇以授子夏六經遭秦火後獨詩以諷誦得全毛萇之
學出於子夏源流最真漢時詩有齊魯韓三家皆列學官毛詩獨未
得立晚乃有毛詩鄭箋唐貞觀中三十二代孫穎達據劉炫劉焯疏
本刪煩增簡奉詔作毛詩正義四十卷四十七代孫武仲有詩說二
十卷六十六代孫承侗有詩經代言卷

春秋魯史也東周之世世衰道微臣弑其君者有之子弑其父者有

之先聖懼焉以魯周公之國禮文備物史官有法故與左邱明觀其
史記據行事仍人道因興以立功就敗以行罰假日月以定歷數藉
朝聘以正禮樂有所褒諱貶損不可以書見口授弟子弟子退而異
言邱明恐弟子各安其意以失其真故論本事而作傳及口說行又
有公羊穀梁之傳左氏親受經先聖而公穀實子夏弟子授受相承
皆有端緒故傳說雖有不同要皆依附聖經非由臆說漢興諸儒各
守師傅互相攻擊或立或否遞為盛衰十三代孫漢弘農太守驩有
公羊訓詁穀梁訓詁卷並十六代孫處士奇撰左氏義詁未畢而沒宗
人子通為校其篇目并序答問凡三十一卷十七代孫漢城門校尉
嘉有左氏說一卷二十代孫漢少府融有春秋雜議難五卷二十二
代孫晉廣陵太守衍有左氏訓注十三卷公羊集解十四卷穀梁訓
注十四卷舊唐志二十六代孫宋廣州刺史默之有穀梁注一卷唐貞
觀中三十一代孫穎達奉詔作左傳正義三十六卷舊唐志又公羊疏

三十卷六十八代衍聖公有三傳合纂十二卷

儀禮古之儀注所謂禮儀三百威儀三千者也漢初高堂生傳士禮十七篇後孔氏壁中出古文儀禮五十六篇內十七篇與今文相似外多三十九篇而古經出魯淹中者亦五十六篇河間獻王得而獻之當時無敢傳者惟十七篇與高堂生所傳不殊學者傳之二十五代孫晉黃門郎倫集注喪服經傳一卷又二十二代孫衍亦有凶禮一卷今亡不可見疑非古經也

初河間獻王得先聖弟子及後學者之所記二百三十一篇獻之劉向考校經籍益爲二百十四篇而戴德之書則刪煩重合爲八十五篇謂之大戴記至戴聖又刪大戴之書爲四十六篇謂之小戴記馬融又足以月令一篇明堂位一篇樂記一篇合四十九篇唐貞觀中三十二代孫穎達奉詔作正義七十卷至宋朱子又析大學中庸別爲章句獨行今祇四十七篇六十八代衍聖公有禮記摘藻一卷

昔先聖為曾子陳孝道曾子退而與門人記之是為孝經凡十八章漢時長孫氏江翁后蒼翼奉張禹皆名其學其後孔壁古文出庶人章分為二敢問章分為三又多一章為二十二章十一代孫安國作傳一卷十四代孫漢太師博士侯光作注一卷三十二代孫穎達作

孝經義疏卷佚

論語者先聖應答弟子時人及弟子相與言而接聞於先聖之語也當時弟子各有所記先聖既卒門人相與輯而論纂之故謂之論語漢時有齊魯之說魯論二十篇齊論多問王知道二篇為二十二篇後孔壁古文出章句繁省與魯論不異惟分堯曰篇子張問從政以下別為從政篇為二十一篇十一代孫安國為之傳卷佚四十七代孫武仲著論語說十卷五十代孫宋餘干主簿元龍為柯山精舍山長有

柯山論語講義卷佚

四書之名起於朱子蓋析禮記中大學中庸二篇與論語孟子並行

號爲四子書後代遂首用以取士五十七代孫明按察僉事諤有中
庸補注三卷六十六代孫承侗有中庸孔庭續問一卷四書代言卷六
十四代孫尙嚴有學庸正解卷六六十六代孫進士與治有四書講義
六卷

孔子家語皆當時公卿大夫及弟子之所諮訪交相對問言語也既
而諸弟子各自記其所聞焉與論語孝經並時弟子取其正實而切
事者別爲論語其餘則都集錄之蓋四十四篇名曰孔子家語秦始
皇焚書時家語與諸子並列故不見滅多古文字十一代孫安國旣
爲尙書孝經論語改今文讀而訓傳其義又撰次孔子家語會巫蠱
事起遂各廢不行於時戴聖嘗雜取其書以足禮記漢成帝時劉向
考校經籍見其已在禮記者則便除家語之本篇止錄二十七篇十
三代孫博士衍以爲是滅其原而存其末也言之成帝會帝崩不行
其說後王肅得家語四十四篇古本於二十一代孫猛家注之乃行

於世

或作二十二代按諸經乃二十代孫季康之子共作二十二代者非

今所存家語二卷亦四十四篇然非王

肅所得古本矣

樂者先王所以致神祇和邦國諧萬姓安賓客悅遠人故記曰移風易俗莫善於樂也周道衰微樂章崩壞及秦而頓滅漢初制氏雖在樂官第能紀其鏗鏘鼓舞而不能言其義蓋古樂之亡也久矣前史相承禮樂並列乃取後代樂府及言樂之書置於孝經之前猥雜殊甚陳氏書錄斥之是已但列於諸子之後雜藝之間亦未爲得昔馬貴與曰樂者國家之大典古人以與禮並稱雖後世之樂不可以擬古然旣以樂名書則非止於技藝之末而已况先儒釋經之書其反禮詭道爲前賢所擯斥者亦沿經之名得以入於經類豈後世之樂書盡不足與言樂乎故通考著錄與讖緯並列於經解之後子史之前似爲允當今孔氏知樂者二十二代孫衍有琴操引三卷唐志一卷五十四代孫元太常禮儀院判思遠有大元樂書卷六十三代孫大姚知

縣貞瑄有大成樂律全書一卷操縵新說一卷貞遇有琴譜一卷
右經錄易二部書六部詩三部春秋十二部儀禮二部禮記二部孝
經三部論語三部四書五部家語一部樂五部共四十四部十二部
卷佚餘得三百八十七卷

古者史官之職左史記言右史記事專爲春秋言爲尙書故後世史
家多襲尙書春秋之目班氏七略無史門以古來及秦漢之史附於
春秋之末自荀勗分爲經史子集四部後世志藝文者因之馬貴與
作通考遂削去班志春秋略內世本以下入史門是也今考孔氏修
正史者二十二代孫穎達有隋史八十五卷志三十卷三十三代孫
唐祕書監紹安撰梁史若干卷未成

凡所紀皆帝王之事而體制不經不可列於正史及編年者前志謂
之雜史二十二代孫衍有春秋時國語十卷又春秋後國語十卷漢
尙書十卷漢春秋十卷後漢尙書六卷後漢春秋六卷魏尙書十四

卷

梁錄十七卷魏春秋九卷漢魏春秋九卷國志歷五卷長歷十四卷千

年歷二卷

春秋傳曰君舉必書書而不法後嗣何觀周官內史掌王之命遂書

其副而藏之是其職也六十三代孫明東閣大學士貞運有皇明詔

制全書

卷

古者朝廷之政令百司奉之藏於官府各修其職守而弗忘春秋傳曰吾視諸故府則其事也二十五代孫晉餘不亭侯愉有晉建武咸和咸康故事四卷四十七代孫武仲有金華講義十三卷

漢書百官表列眾職之事記在位之次第書其總而未及其細也是以王隆應劭等復作漢官儀漢官解詁等書其後或述職掌或記沿

革書始繁矣六十三代孫貞運有詞林典故類

卷

自漢阮倉始作列仙圖劉向典校經籍作列仙傳由是志奇好異之士往往推其本源作為傳記前史謂之雜傳蓋亦史官之末事也二

十九代孫齊散騎常侍稚珪有陸先生傳一卷

古者天子建德因生以賜姓諸侯建家因氏以命族周官小史定繫世辨昭穆譜系亦柱下之職也秦并天下刻除舊跡公侯子孫失其本繫漢興稍稍別之延及魏晉譜系之書漸廣迨西晉喪亂百宗蕩析冠冕輿隸混爲一區不可遽知是以周齊而遺譜牒之學益貴於世三十三代孫志約唐時爲禮部郎中能明其學嘗與許敬宗等撰姓氏譜二百卷三十六代孫唐著作郎至有姓氏雜錄一卷又與韋述等撰百家類例三卷至孔子系葉傳始於唐黃恭之然止枝承襲一人殊多疎略宋元豐中四十六代孫刑部侍郎宗翰病之上自孔子下止四十九代作孔子世家譜卷四十八代孫宋國子博士端朝四十九代孫金曲阜主簿瓌五十一代孫元濟兗單三州宣課提領龜五十一代孫元衍聖公元措宋諫議大夫應得五十三代孫元參知政事淑翰林院檢閱涇吳江州判濤五十四代衍聖公及處士思敬

六十代孫明處士承懿皆相繼續修

右十一書卷並佚

厥後時有增輯然書祇

抄錄未有刻本明天啓閒六十五代衍聖公始重修鏡板

是書卷並佚此後小

修則書之大修則刊之皆以三十年爲限

國朝順治甲午六十六代衍聖公康熙甲子六十七代衍聖公皆舉

其事順治甲午重修譜二十三卷康熙甲子重修譜二十四卷乾隆

甲子今衍聖公復經增修爲書二十三卷六十七代孫毓信摘其大

凡爲家譜纂要一卷

志者所以述典故紀盛軌徵軼聞考地理備風俗也自班史作十志

後世作者多祖之二十八代孫宋贈金紫光祿大夫靈符撰會稽記

卷佚宋著作耶靈運撰地志

卷佚

自四十七代孫宋知撫州傅始撰東家雜

記二卷闕里祖庭記三卷其後四十九代孫瓌廣其書爲祖庭廣記

元行臺都事權主祀事瓌續之

二書卷並佚

五十三代孫涇又加增續爲書

二十卷此外五十一代孫元興化路經歷元敬有素王世紀十二卷

六十一代孫明魯王府審理宏幹有孔門僉載四十卷明弘治間學使陳鎬纂述歷代追崇聖賢之典及林廟古跡與夫舊事遺文成闕里志十三卷長沙李東陽爲作凡例其後孔氏子孫屢有續輯皆因是成書而附益之增至二十四卷是所謂闕里舊志者也六十四代孫戶部員外郎尙任始別撰新志二十四卷又采曲阜民俗撰節序同風錄十二卷四氏學錄尙忻又輯聖門禮志一卷樂志一卷六十五代孫衍璐有廟庭禮樂典故卷六十七代衍聖公毓圻有恭紀

聖祖幸魯盛典四十卷六十八代衍聖公傳鐸有恭紀

世宗修廟盛典五十卷又六十三代孫貞瑄有滇記一卷黔記一卷泰山紀勝一卷縮地歌一卷

右史錄正史三部雜史十二部詔令一部故事二部職官一部雜傳記一部譜牒二十部志二十一部共六十一部二十一部卷佚餘得七百四十六卷

昔劉歆校書祕閣序爲七略六藝之外繼以諸子而諸子之內又分

九流孔氏服膺先聖之訓無不游心六經講求仁義故其著書立言

大都不敢背乎儒者之道今綜其著者有子思子七卷舊唐志七代孫

子高有闢言十二篇佚卷九代孫陳涉博士鮒有孔叢子二十一篇後

世又附以連叢子二篇共爲七卷十一代孫漢太常蓼侯臧著書十

篇佚卷四十七代孫傳有孔子編年三卷五十代孫元龍有洙泗言學佚卷

拱有習經三卷讀史三卷五十五代孫元浙江行省參議克慧有歷

官紀歸田錄卷並六十代孫承侗有日言一卷四事請教錄一卷荆藩

輔政錄一卷天人直指圖一卷天理說一卷三教指迷一卷六十三

代孫四氏學錄貞燦有家政一卷六十八代衍聖公有讀古偶志一

卷
凡事不拘乎一類而言不衷於一途者前史列之於雜家二十二代

孫行有說林五卷宋錄四十七代孫宋金部郎中平仲有良史事證一

卷

傳載與人之誦詩美詢于芻蕘然則街談巷語亦聖人所借以考鑑也四十七代孫平仲有野史一卷又釋稗一卷續世說十二卷雜說一卷衍璜新論一卷六十一代孫宏幹有談柄一卷六十四代孫尙任有會心錄四卷六十七代孫五經博士毓挺有拾獲餘閒一卷老農老圃聖人弗爲然物土宜而勤樹藝亦民生衣食之本也四十七代孫武仲有芍藥譜一卷

兵者所以禁暴止邪也寓之於農行之以義用以克敵致果而安百姓卽仁者亦有所不廢焉二十二代孫衍有兵林六卷

昔子產鑄刑書叔向非之子產曰吾以救世也然則畫衣冠而民弗犯其不可再見於三代下也審矣明刑以弼教使愚民知所避而巧吏亦不敢弄法以爲奸亦救敝扶衰之一道也齊永明中二十九代孫稚珪奉勅與公卿共刪注律文二十卷錄一卷

類書起於劉宋何承天并合皇覽後作者寢眾唐書遂立一門白居易
易有六帖四十七代孫傳續後六帖三十卷

今世所行白孔六帖乃
二書合刻者凡一百卷

小道可觀精於其事雖技藝亦可傳也二十六代孫晉都督交廣二
州諸軍事廣州刺史汪有雜藥方二十九卷三十三代孫志約有本
草音義二十卷六十六代孫承侗有夢解卷佚六十五代孫衍斌有畫訣一
卷續畫訣一卷

右子錄儒家十九部雜家二部小說家八部農家一部兵家一部刑
家一部類書一部術藝五部共三十八部六部卷佚餘得一百六十
八卷

古者無集之名也靈均以降作者日眾而志尙不同風流殊別於是

萃而錄之名爲別集班氏創其體而隋志始列其目焉孔氏別集有

十一代孫臧集二卷二十代孫融集九卷

梁錄十卷
錄一卷

二十五代孫晉御

史中丞蘇奏議二十二卷二十六代孫汪集十卷晉廷尉坦集十七

卷梁錄宋史皆
五卷錄一卷

晉吳興太守嚴集五卷

梁錄十一卷
卷錄一卷

二十七代孫晉廷尉厥集

十一卷二十八代孫宋祠部尙書琳之集十卷

九卷

二十九代孫稚珪

集十卷三十一代孫梁宣惠將軍揚州刺史休源集十五卷三十二

代孫穎達集五卷陳散騎常侍奐集十五卷彈文四卷三十三代孫

紹安集五十卷三十七代孫唐贈左僕射巢父集十卷四十六代孫

宋尙書司封郎中延之集二十卷四十七代孫傅杉溪集十卷宋中

書舍人文仲集五十卷武仲集

卷

奏議二卷平仲集

卷亦佚宋周必大所序
清江三孔集文仲二卷

武仲十七卷平
仲二十一卷

詩戲一卷四十九代孫瑑集一卷族長璞景叢集十卷五

十代孫元龍魯樵集

卷

拱錫山草堂集五卷村居雜興三卷五十一

代孫元演明德集十卷五十二代孫夢斗愚齋文集

卷

元行臺都事洵集五卷五十五代衍聖公遺彙二卷樂府一卷明三

氏學錄克晏舉愚彙一卷克慧德臺集

卷

五十六代孫明儀賓希恭

章菴詩彙一卷五十七代孫誥舞雩春詠集二十卷五十八代孫明

曲阜知縣公鏗沂雪散人集一卷公木哈齋集一卷明詹事公恂集

二十卷明三氏學錄公瓚北牕迂叟彙一卷公騎元和景象集一卷

南坡彙一卷泗漁樂府一卷公琅東村耕隱集一卷五十九代孫彥

臣秋塘樂府一卷六十代贈衍聖公禮庭吟彙三卷承懿南坡集一

卷橋梓聯編五卷六十一代孫宏幹孔氏一家言一卷明高陽知縣

宏頤北遊詠一卷西山雅詠一卷唱酬集一卷六十二代孫明河南

糧儲道閏詩給事中時奏議一卷六十三代孫貞瑄聊園文集一卷

聊園詩略十三卷詩續集一卷貞燦西園詩一卷明翰林檢討貞時

在魯齋文集卷貞運敬事草行餘草卷六十四代孫尙任岸塘文集

六卷湖海集十三卷六十五代孫衍欽溫泉集一卷衍杖題畫詩一

卷江南丹陽主簿衍譜小岸詩一卷六十六代孫雲南糧儲道與詔

遊遊集一卷興治詩鈔一卷六十七代衍聖公蘭堂遺彙二卷五經

博士毓埏遠秀堂集八卷順天昌平州判毓璘水木山房詩一卷曲

阜知縣毓琚紅杏山房詩一卷六十八代衍聖公安懷堂文集二卷
申椒詩集二卷繪心集二卷盟鷗草一卷紅蓼詞二卷炊香詞三卷
五經博士傳誌補閒集二卷清濤詞二卷聖廟三品官傳鉅炊經堂
詩集四卷傳樅芥圃遺詩一卷六十九代贈衍聖公繼漫純齋遺草
一卷聖廟五品官繼汧五泉莊擬古樂府一卷七十代衍聖公廣聚
敏求齋文集八卷詩集四卷外集一卷

建安以來辭賦轉繁眾家之集日以滋廣晉摯虞合而編之謂爲文
章流別此總集之所仿也六十一代孫宏幹有闕里文獻集四卷六
十八代衍聖公有古文源二卷

右集錄別集八十六部總集二部共八十八部八部卷佚餘得四百
七十三卷

凡經之類四十四部史之類六十一部子之類二十八部集之類八
十八部總二百三十一部佚其卷者四十七部其一百八十四部得一

千七百七十四卷

述曰語云作之難傳之更難儒者閉戶著書類欲藏名山而垂後世而兵燹風霜間遭浩劫千秋難卜古人所爲悼歎於無窮也茲第取家之所藏及前籍所載者著於錄而卷帙之間已多遺脫其他凋零磨滅湮沒而不可見者更可勝道邪嗚呼

闕里文獻考卷三十一終